

671.4307
084
16

土集

藝文上

浮山縣志

晉城任耀先署簽



浮山縣志卷四十

藝文

古者宣化致理必徵文獻而采聲詩雖蠹簡俚謠有俾風化
非徒輦輓爲上也浮邑若桑樞蜜邢學士輩胥以文顯當代
而舊帙多散佚弗存二公後作者遂雅不槩見今博採歷代
關於茲土者或爲記爲銘爲序爲論爲贊以及爲詩爲歌不
憚盡述覽其言可以觀代可以觀俗可以觀政故輯邑乘者
以是終焉志藝文

歷朝御製

漢

宣帝嘉霍光詔

大司馬大將軍博陸侯宿衛孝武皇帝三十餘年輔孝昭皇帝
十有餘年遭大難躬秉義率三公諸侯九卿定萬世策以安宗
廟天下蒸庶咸以康寧功德茂盛朕甚嘉之復其後世疇其爵
邑世世毋有所與功如蕭相國

宣帝封霍雲詔

宣成侯光宿衛忠正勤勞國家善善及後世其封光兄孫中郎
將雲爲冠陽侯

唐

元宗龍角山慶唐觀紀聖銘

神也者妙有物而爲言化也者應無方而成象言豈立神之主
象徵宰化之知苟言象之不存焉則神化或幾乎息矣窮神而
極化者豈唯空空之人乎我遠祖玄元皇帝道家所號太上老
君者也建宗於常無有立行於不昧知雄守雌爲天下谿知
白守辱爲天下谷故能長上古而日新雕衆形而化淳正萬物
而不爲戾澤萬代而不爲仁巍乎不睹其頂深乎不測其極復
歸無物存教適以立言奄有大清感聖期以利見肇我高祖之
提劍起晉太宗之杖鉞入秦鵬搏風雲麟闔日月夏臣醜而已
去殷鼎輕而未徙老君迺洗然華皓白驥朱髦見此龍角之山
示我龍興之兆語絳州大通堡人吉善行曰吾而唐帝之祖也

告吾子孫長有天下于是聞赤伏而萬姓宅心一麾白麾而
六合大定傳曰有聲之聲不過百里無聲之聲延及四海非夫
神昌明德翕叶人祇者與善行以武德三年二月初奉神教渺
無明徵莫之敢洩至四月老君又見曰石龜出吾言實于時太
宗爲秦王討宋金剛揔戎紛絳晉州長史賀若孝義以其狀上
啓遽使親信杜昂就山禮謁俯仰之際靈兒察焉昂馳還曰信
矣廼遣昂善行察騶表上北至長安適會郇州獻瑞石如龜有
文曰天下安千萬日高祖徵其二異揔善行朝散大夫命舍人
柳憲往祠焉玉帛旣陳尊儀復見其始覲也杲杲炁炁若紅峯
綠嶺吐春日之光景其卻隱也蕭蕭條條若雨息雲消視秋天

之沉寥來莫知其所自去莫辯其所往出于寂寞入于惚恍蓋不可得而詳諸汾陽之龍角山者天帝降福之庭高祖用師之道上有華池靈府下有石穴洞宮氣接姑射集神仙之別館脈通霍鎮潤珠玉之隣家高祖以鸞轡頻廻霓裾累襲故版廟于行過之所劃壇于受命之塲刻飾聖容彩繪眞衛神光離和殿堂宛轉于空間雲氣躑躅笙磬往還于天路因改浮山縣名神山焉志靈應也是歲仲秋及五年三月晉州奏老君言我臺廟之中枯柏更生子孫當王又云我神兵助軍伐劉黑闥立夏當平事過如言皆先事之讖也示後太宗眞觀剏喬雲泊于廟宇高宗垂拱剏卿雲涌于神座今又祠中柏樹蒲萄壺而托根

門端根木枯枝蓊而還茂疊黛豐本璞翠繁樹聚祥煙之青靄
黝黝一色散佳氣之葱鬱鱗鱗萬重識者以爲太和暢陳朽之
徵工會納殊隣之象懼彼虛應搖然夕陽朕演靈金根纂命璿
宸舊學道記常味至言是用假途禮樂託宿仁義尋末以窺本
澄粗以詣精爲無爲于此心事無事于天下而宗稷大福寰縣
小康實上祖惠無疆之休亦下人率自然之化夫維幽容昭見
偉事也神告帝符瓊瑞也發祥善行吉類也慶雲重代鴻懿也
戎菓附植合異也稿幹華滋蕃熾也此六者興王之嘉祉曠歷
之絕紀者也朕不敏頗聞君子之教矣繼其後者天其祖習其
訓者父其師揄揚道德情存孝敬商頌美乎成湯周雅尊乎后

稷先王之舊典也吾豈墜其文哉夫戴角之類龍爲之長羊也
定形而不易龍也神化而無端龍蓋五土之精國家瘞土而王
故改山號名龍角焉迺銘金石以彰靈變詞曰思文聖祖元默
靈聲混兮無名超兮至清清入神舍名捐物假身尊玄元後有
天下高祖鳳翔雲舉晉陽太宗龍戰風趨秦旬龍角僊都王師
戒途聖形入有神言出無瑤衣玉騎告帝天符神方據我人亦
來蘇迺立清室微微謐謐衆仙停蹕迺興慶雲氤氲氤氲再瑞
明君庭有柏兮遠葉寄秀門有根兮槐條更茂顧慙菲德蒙神
之祐誦我道經介我神聽繼明五聖禋事三靈請從格言天德
出寧大道幽蔭湛慈廣接意路何階言津難涉化有影響神無

華葉開元十七年太歲在己巳九月己丑朔三日辛卯建

皇太子鴻臚卿三年三月十八日題
晉慈等州都國練觀察處置等使朝議郎檢校左散騎常侍兼

監御史大夫賜紫魚袋李
御使朝議郎行內侍省內府局丞員外置同正員上柱國賜

左神策軍吳再和使朝議郎行內侍省內府局丞張令緒

皇弟太開保上儀柱國薛王業
皇兄開保上儀柱國寧王憲

皇子堂兄上都督兼河西
皇子涼州都督兼河西肅州守禮
皇子堂兄上都督兼河西肅州守禮

皇子單于大都護朔方軍節度大使兼關內道支度營田等太
使惠王浚大都護朔方軍節度大使兼關內道支度營田等太

皇太子太原牧太原以北諸軍州節度大使河東道支度營田等
使太原王治太原以北諸軍州節度大使河東道支度營田等

皇子幽州大都督河北道諸軍州經略節度大使兼支度營田
等幽州大都督河北道諸軍州經略節度大使兼支度營田

皇太子京兆牧持節隴右道諸軍州經略節度大使兼支度營田
使京兆牧持節隴右道諸軍州經略節度大使兼支度營田

皇子廣州都督兼嶺南五府經略大使光王滉

皇子安東都護平盧軍節度大使支度營田兩蕃等大使穎王滢

皇子荊州大都督永王渚軍州節度大使兼支度營田等大使

皇子安西大都督護持節碯西節度大使四鎮瀚海經略支度

皇子營田等大使延王湑營州大都督恆王浹

皇子濟王溢

左肅威衛大將軍外節度同正副員上柱國舒王綽

宗衛正尉卿員外置同正員嗣徐王璿

宗正正卿員外置同正員嗣鄭王希睦

太宗正少卿員外置同正員汝陽郡王琚

太子僕卿員外置同正員河東郡王沂

太子贊員外置同正員湖陽郡王宗暉

滄州刺史兼海軍使副尚書兼中書令河西節度經略支度營

田九柱國長行轉運等副大夫仍知節度事判涼州事赤水軍

中散大夫守中書侍郎同中書門下平章事兼御史大夫裴光庭

左常侍上柱國都尉留公崔瓘

特進行尚書左丞相集賢院學士修國史上柱國燕國公臣張

奉勅題御三司行尚書右丞相上柱國廣平郡開國公宋瑒

特進新羅國王金山郡開國公白孝節

特進永壽郡王沙陀安國縣開國侯源乾曜

太子少保上柱國
中竟國公陸象先
王峻

工部尚書上柱國
固安縣開國男
盧從愿
留守崔隱甫

太子賓客上柱國
異國平公孫寶
開國子表濯
希球

太常監卿上柱國
王李
詢

秘書監卿上柱國
正員
觀
都尉薛鏞

衛尉卿安外置同
正員
伯皇甫忠
都尉榮陽縣開國公鄭萬鈞

大理卿上柱國
李朝
隱

鴻臚卿弘農縣同
正員
驎馬都尉瑯琊郡開國公王絳

國子祭酒上柱國
楊瑒
中監上柱國霍國公王毛仲

少府監上柱國
開國子馮紀
正

京兆尹上柱國高邑縣開國男李尚隱守李休

銀青光祿大夫行侍內省內侍員外置同正員上柱國尹鳳祥

勅檢校慶唐觀使銀青光祿大夫使持節晉州諸軍事晉州刺史上柱國晉陽縣開國男臣白知慎

勅建造摩勒龍角山院供奉碑使朝議郎守尚書主客郎中集賢院學士翰林院供奉車都尉贊諡皇太子兼侍慶王忠

王隸王郭王榮王光王儀王穎王永王文章臣呂向奉勅碑陰并建碑年月日

驃騎大將軍兼右驍衛大將軍員外置同正員內侍上柱國號國公揚思勗

冠軍大將軍守右監門衛大將軍知內侍上柱國渤海郡開國侯高力士

冠軍大將軍行右監門衛大將軍員外置同正員知內侍上柱國上黨縣開國侯黎敬仁

冠軍大將軍右驍衛大將軍兼上柱國柳城郡開國公鐵軍大將軍右驍衛大將軍兼上柱國柳城郡開國公

冠軍將軍右金吾衛大將軍上柱國張平縣國公程伯獻

宋

眞宗太上老君混元上德皇帝冊文

維大中祥符七年歲次甲寅正月戊子朔二十一日戊申嗣天子恒謹再拜稽首言伏以先天地母萬物大道強名而混成一希夷總衆妙元聖無私而獨運肆結繩之上世逮垂旒之應期必敦清淨之風乃治淳熙之化伏惟太上混元皇帝神凝氣祖粹蘊帝先紀學以演眞宗襲明而開道奧玉虛善應俾炎皞以得師冲用無方歷商周而隆跡聖母發祥於夢日宣父興歎於猶龍微言闡幽大像垂教二儀長久本清霄而不居兆庶樂康資恬淡而無欲首出萬古式是百王天付生民運興有待烈祖

之開創神宗之治平尙慈儉爲永圖遵朴素爲常道慶鐘長發
猥及渺躬寶籙歲稔惟新於元命玉音昭晰親觀於神期喻皇
世之有開示高真之幽贊上帝克享妙本是依然則造物不私
焉之日用爲民祈福庶稟上仁是敢仰止靈區虔伸頌拜周爰
徽號益表欽崇夫恍惚無形生三爲大茲之謂混元淵默守中
吹噓萬化茲之謂上德雖善貸常存於不有而可名恭薦於至
誠謹攝太尉推忠協謀同德守政佐理功臣王旦奉玉冊玉寶
上加徽號曰太上老君混元上德皇帝伏惟因大成而曲全務
守道而貴德儲祉善慶保鴻基之配天鑒降勤行佐冲人之治
國萬方福壽世祚千億謹言